



CONGREGAZIONE
DELLE CAUSE DEI SANTI

Pro. N. 1788

PAMPILONENSIS ET TUDELENSIS
Beatificationis et Canonizationis
Servae Dei **SPEI A CRUCE**
(in saeculo: Salustianae Antoniae Ayerbe Castillo)
Cofundatricis
missionariarum augustinianarum recolectorum
(1890-1967)

Decretum super virtutibus

“Diligere animas, quia Christi thesaurus sunt, suo pretioso sanguine, suis doloribus inauditis, sua morte in cruce redemptas”.

Ista verba a Serva Dei Spe e Cruce in saeculo Salustiana Antonia Ayerbe Castillo scripta propositum eius existentiae fuerunt eiusque vitam mortalem lustraverunt, quam illa fidenti animo et perseverantia sanctitatem persequendo degit.

Serva Dei *Monti Acuto* in provincia Navarrae Hispaniae die 8 mensis Iunii anno 1890, primogenita septem fratrum orta est. Die 10 mensis Iulii sacro fonte mundata est et quattuor annos post sacram Confirmationem accepit. Annis 1901 et 1902 eius familia Tolosam (Guipúzcoa) migravit.

Per tutelam patris (avunculi) Augustiniani iuvenis Salustiana prima signa vocationis ad religiosam vitam percepit et in clausuram monasterii Incarnationis Matritensis Sanctimonialium Augustinianarum Recolectorum ingressa est, ibique novitiatum perfecit nomenque Mariae Spei a Cruce suscepit. Eius propositum enim fuit omnem dolorem sufferentiamque crucifixi Christi in comunione sua sponte sustinere.

Die 10 mensis Decembris anno 1918 vota simplicia emisit et deinde tres post annos solemniter. Sponsa Christi Divini Afflatus signa attente semper intellexit. Fulgidum fidei exemplum fuit in vocatione ad contemplationem, peribens magnum testimonium Eucharisticae pietatis et generosae oboedientiae in cotidiana disciplina monasticae vitae.

Die 14 mensis Ianuarii anno 1931 secundans postulationem Domini Francisci Xavieris Ochoa Agostiniani Recolecti, Apostolici Praefecti pagi *Kweitehfu* in China, qui novos voluntarios sua pro missione quaesiverat, Soror Spes, Summi Pontifici Pii XI privilegio et Congregationis de Religiosis indultu, potuit e clausura exire et proficisci ad

immensam nationem orientalem una cum aliis duobus sororibus Augustinianis Recollectis Gradanensibus scilicet Soror Angela a Sancto Raphael et Carmela Sancti Augustini. Serva Dei, hoc in consilio adimplendo, se a Domino vocatam existimavit, neglectis multis difficultatibus, vim necessariam ad novam operam apostolati missionari iucunde et cum abnegatione persequendam invenit.

Eius generositas radicabatur ardenti in amore egra Deum, qui oratione pascebatur, Serva Dei fidenter consentibat et illis rebus in quibus dolor Crucis certissime inveniretur.

Die 8 mensis Maii anno 1931 tres moniales primum in Chinam et deinde in missionem pagi *Kweitehfu* pervenerunt. Laboriosa adaptatio ad localem culturam et cognitio linguae inter varias difficultates et angustias incipiebat.

Serva Dei una cum consororibus suis operam dedit ad incrementum propositorum sicut institutio catechistarum Christi Regis, doctrinae religiosae institutio in suburbio et in pagis proximis, amor erga infirmos, ministerium in pauperes, in carceratos et in iuvenibus indigentibus. Omnia Serva Dei ad maiorem Dei gloriam et pro animarum salute perficiebat omnesque diligebat, quia in omnibus ipsum Christum intelligebat.

Post tres annos, sorores regredi in Hispaniam debuissent, sed commorari in missione maluerunt et postulaverunt ut se Congregationi Augustinianarum Recollectarum Philippinarum aggregarentur.

Post professionem religiosam Serva Dei facta est antistita communitatis pagi *Kweitehfu*. Illo tempore multplex opera missionaria valde pereclitabatur propter bellum civile Hispanicum inter anno 1936 et 1939 et propter contemporaneum bellum Chino-Japonicum, in quo sedes missionis bombis percussa est et moniales confugere in Philippinas coactae sunt.

Mater Spes, quia percepit necessitatem consolidandi operam apostolicam, in Hispaniam regredit ut fundaret novam novitatus domum ad instituendas novas missionarias pro China. Perdurante bello in oriente, Serva Dei potuit in Chinam remeare sed Divinae voluntati secundando, operam apostolati ad Americam direxit et in anno 1944 primas missionarias in Columbianam misit et sequenti anno ipsa eas assepta est.

Interea tam Hispaniae quam in America Meridionali novae domus augescebant eo ut nova Congregatio fundari oportueret, quae die 18 mensis Ianuarii anno 1947 Sedis Sanctae approbationem obtinuit. Mater Spes prima fuit generalis antistita novae Congregationis scilicet Missionariarum Augustinianarum Recollectarum. Res magni momenti in vita Mariae ostenditur in constanti Christianae et religiosae perfectionis studio et anxietudine, illa enim constanter expetebat sibi et aliis sanctificationem, vivens Dei in conspectu, omni in re manum Dei percipiebat.

Omnino dedita Instituti gubernio, Serva Dei multa itinera egit ut domus visitaret, fragilitatem suae valetudinis cognovit et anno 1962 officio suo renutiavit.

Maxime istis temporibus interiorem dolorem experimentavit scilicet “noctem obscuram”, cui profunda pax accessit. In mense Februarii anno 1967 medici diagnosim canceri fecerunt, qui summos dolores ei paruit. Die 23 mensis Maii anno 1967, cincta sororum affectu, Serva Dei in Domino somno sempiterno consopivit.

Fama Sanctitatis, quae eam in vita comitabatur post mortem increbuit et e die 6 mensis Decembris anno 1991 ad diem 4 mensis Septembris anno 1994 iuxta Curiam Pampilonensem Inquisitio Diocesana celebrata est, dum duo Processus Rogatoriales habiti sunt Caracae et Bogotae, quorum iuridica validitas ab hac Congregatione de Causis Sanctorum per decretum diei 19 mensis Maii anno 1995 sunt approbati. Exarata Positione

secundum consuetas normas canonicas disceptatum est an Serva Dei virtutes heroum in gradu exercuisset. Positivo cum exitu, die 20 mensis Martii anno 2014 habitus est Peculiaris Congressus Theologorum Consultorum. Patres Cardinales et Episcopi die 17 mensis Novembris anno 2015 in Sessione Ordinaria congregati, Me Cardinale Angelo Amato Praesidente, Servam Dei virtutes theologales, cardinales et adnexas, heroum in gradu, exercuisse agnoverunt.

Facta demum de hisce omnibus rebus Summo Pontifici Francisco per subscriptum Cardinalem Praefectum accurata relatione, Sanctitas Sua, vota Congregationis de Causis Sanctorum excipiens rataque habens, hodierno die declaravit: *Constare de virtutibus theologalibus Fide, Spe et Caritate tum in Deum tum in proximum, necnon de cardinalibus Prudentia, Iustitia, Temperantia et Fortitudine, iisque adnexis, in gradu heroico, Spei a Cruce (in saeculo: Salustianae Antoniae Ayerbe Castillo), Cofundatricis Missionariarum Augustinianarum Recollectarum, in casu et ad effectum de quo agitur.*

Hoc autem decretum publici iuris fieri et in acta Congregationis de Causis Sanctorum Summus Pontifex referri mandavit.

Datum Romae, die 15 mensis Dicembris a. D. 2015.

ANIA
ANGELUS Card. AMATO, S. D. B.
Prefect

+ MARCELLUS BARTOLUCCI
Titular Archbishop of Mevaniensis
Secretary